

**BOSNA I HERCEGOVINA - БОСНА И ХЕРЦЕГОВИНА**

*Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka*



*Агенција за развој високог образовања  
и обезбеђивање квалитета  
Босне и Херцеговине  
Бања Лука*

*Agency for Development of Higher Education and Quality Assurance of Bosnia and Herzegovina*

Broj: 05-33-1-109-39/19

Datum: 08.06.2021. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove, odnosno studijskih programa **Univerziteta Sinergija Bijeljina**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

**PREPORUKU**

o akreditaciji visokoškolske ustanove **Univerzitet Sinergija Bijeljina** i sljedećih studijskih programa:

- o Poslovna ekonomija, I ciklus
- o Računarstvo i informatika, I ciklus
- o Pravo, I ciklus
- o Anglistika, I ciklus
- o Savremene informacione tehnologije, II ciklus
- o Poslovna ekonomija, II ciklus
- o Pravo- opšti smjer, II ciklus
- o Engleski jezik i književnost, II ciklus

**O b r a z l o ž e n j e**

Dana 06.03.2019. godine Agencija je zaprimila od Agencije za visoko obrazovanje Republike Srpske (ranije HEAARS) (u daljem tekstu AVORS) Prijedlog za imenovanje komisije stručnjaka za akreditaciju visokoškolske ustanove Univerzitet Sinergija Bijeljina: 01/1.5.65-3-5/18 od 04.03.2019. godine, kojim je predložen minimalan broj članova Komisije stručnjaka po svakoj kategoriji. Agencija je, nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11) i Odlukom o izmjenama i dopunama Odluke o normama

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

kojima se određuju minimalni standardi u području visokog obrazovanja u Bosni i Hercegovini, koja je stupila na snagu 8.3.2019.godine (u daljem tekstu: Odluka o normama), u skladu sa članom 49. alineja 4) Okvirnog zakona, imenovala Komisiju stručnjaka Rješenjem broj: 05-33-1-109-3/19 od dana 12.03.2019. godine.

Dana 28.06.2019. godine AVORS je ovoj Agenciji dostavila Zahtjev za izdavanje preporuke o akreditaciji za visokoškolsku ustanovu **Univerzitet Sinergija Bijeljina** i pet studijskih programa. U prilogu Zahtjeva dostavljeno je Mišljenje Komisije stručnjaka, uz napomenu da je Akreditacijsko vijeće AVORS-a donijelo zaključak kojim se daje preporuka AVORS-u da pokrene postupak izdavanja Rješenja o akreditaciji predmetne visokoškolske ustanove i studijskih programa. Također, dostavljena je i informacija da je visokoškolska ustanova dala saglasnost na Izvještaj Komisije stručnjaka koji im je prethodno dostavljen.

Obzirom na to da uz pomenuti Zahtjev za preporuku nije dostavljen Izvještaj komisije stručnjaka Agencija je dana 09.07.2019. godine zatražila od AVORS-a dostavljanje kompletnog izvještaja komisije stručnjaka za predmetnu visokoškolsku ustanovu i izvještaje recenzenata o studijskim programima, a sve to kako bi Agencija mogla dalje postupati u skladu sa važećim zakonskim i podzakonskim aktima.

Dana 18.07.2019.godine od strane AVORS-a je zaprimljen Zahtjev za preporuku o akreditaciji predmetne visokoškolske ustanove i pet studijskih programa, u prilogu pomenutog Zahtjeva dostavljena je ovjerena kopija Izvještaja komisije stručnjaka za Univerzitet Sinergija Bijeljina. Analizirajući dostavljeni Izvještaj Komisija za davanje preporuke je Zapisnikom, broj: 05-33-1-109-8/19 od 01.08.2019. godine, konstatovala određene nedostatke kako u smislu strukture pisanja Izvještaja, tako i opisa ispunjenosti zahtjeva kriterija, te zaključkom predložila direktoru Agencije da postupi u skladu sa članom 7. stav 2) Instrukcije o načinu davanja preporuke o akreditaciji, a koji kaže da Agencija može od komisije stručnjaka zatražiti pojašnjenja ako izvještaj komisije stručnjaka ne daje na adekvatan način dovoljno informacija o jednom ili više kriterija. S tim u vezi, Agencija je dana 12.08.2019.godine dopisom, broj: 05-33-1-109-11/19, od AVORS-a tražila dopunu pomenutog Izvještaja, koja do danas nije dostavljena. Umjesto tražene dopune na pomenuti dopis Agencije 13.02.2020.godine dostavljen je još jedan Zahtjev za izdavanje preporuke o akreditaciji od strane AVORS-a, a prethodno je dana 11.02.2020. godine Ministarstvo za naučnotehnoški razvoj, visoko obrazovanje i informatičko društvo Republike Srpske je dostavilo Rješenje o akreditaciji radi upisa u Državni registar akreditovanih visokoškolskih ustanova u BiH. Nakon intenzivne korespondencije sa AVORS-om i Ministarstvom za naučnotehnoški razvoj, visoko obrazovanje i informatičko društvo Republike Srpske direktor Agencije je Rješenjem, broj: 05-33-1-109-19/19 od 09.06.2020.godine, imenovao komisiju za ocjenjivanje usklađenosti rješenja o akreditaciji predmetne visokoškolske ustanove, a koja je svojim Zapisnikom konstatovala da nije moguće utvrditi da li je rješenje o akreditaciji visokoškolske ustanove, usklađeno sa minimalnim standardima u području visokog obrazovanja i kriterijima za akreditaciju, odnosno da je Rješenje o akreditaciji predmetne visokoškolske ustanove doneseno bez preporuke o akreditaciji. Nakon toga je direktor Agencije donio Rješenje, broj: 05-33-1-109-21/19 od 09.07.2020.godine, kojim se odbija zahtjev za izdavanje preporuke o akreditaciji predmetne visokoškolske ustanove i pet studijskih programa, kao i Rješenje, broj: 05-33-1-109-22/19 od

10.07.2020.godine, kojim se odbija upis predmetne visokoškolske ustanove i pet studijskih programa u Državni registar akreditovanih visokoškolskih ustanova u Bosni i Hercegovini.

Dana 08.10.2020. godine Agencija je ponovnim Zahtjevom broj: 05-33-1-109-26/19, od imenovanih članova Komisije stručnjaka tražila pojašnjenja Izvještaja. U prilogu pomenutog Zahtjeva članovima Komisije stručnjaka dostavljen je prethodni zahtjev za dopunom Izvještaja dostavljen HEAARS-u, broj: 05-33-1-109-11/19 od 12.08.2019.godine.

Dana 31.08.2020.godine dostavljen je Izvještaj o dodatnoj eksternoj evaluaciji za tri studijska programa koje izvodi Univerzitet Sinergija Bijeljina, a za koje je Komisija stručnjaka u ranije pomenutom Izvještaju predložila upućivanje pisma očekivanja na period od godinu dana.

Dana 21.10.2020.godine na adresu elektronske pošte Agencije putem e-maila je dostavljen odgovor predsjednika Komisije stručnjaka, a koji je protokolisan pod brojem: 05-33-1-109-30/19, u kojem se između ostalog navodi kako predsjednik Komisije stručnjaka smatra nezakonitim bilo kakve izmjene na ranije dostavljenom Izvještaju, te kako i dalje stoji kod ranije iznesenih opisa i ocjena ispunjenosti kriterija u pomenutom Izvještaju. Naknadno je dana 25.11.2020.godine Agenciji dostavljeno Izjašnjenje Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji Univerziteta Sinergija Bijeljina, potpisano od strane predsjednika pomenute Komisije stručnjaka. Analizirajući dostavljeno Izjašnjenje utvrđeno je da se isto odnosi na zahtjev Agencije za pojašnjenjem Izvještaja Komisije stručnjaka. U uvodu pomenutog Izjašnjenja se navodi da Komisija stručnjaka u potpunosti stoji iza nalaza i ocjena datih u Izvještaju o eksternoj evaluaciji Univerziteta Sinergija Bijeljina, a u nastavku istog stoji navodi da Komisija stručnjaka ostaje pri svojim nalazima kao i datim preporukama po svakom kriterijumu pojedinačno.

Komisija za davanje preporuka je nakon individualnog analiziranja dostavljenog očitovanja i zaključka Komisije stručnjaka i u skladu sa zadacima Komisije za davanje preporuka propisanih Instrukcijom o načinu davanja preporuke o akreditaciji visokoškolskih ustanova i studijskih programa i naknadnom izmjenom pomenute Instrukcije (u daljem tekstu: Instrukcija), na sastanku, održanom 28.12.2020.godine, razmijenila stavove i zapažanja, te zaključila da Instrukcija o načinu davanju preporuka o akreditaciji visokoškolskih ustanova, odnosno studijskih programa, ne propisuje postupanje u slučaju kada Komisija stručnjaka ne postupi u skladu sa zahtjevima Agencije u vezi dopuna i pojašnjenja Izvještaja komisije stručnjaka, te je uvidom u ranije dostavljenu ovjerenu kopiju Izvještaja Komisije stručnjaka, utvrđeno je sljedeće:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini, te
- da je u skladu sa Odlukom o normama i Odlukom o kriterijima za akreditaciju visokoškolskih ustanova u BiH.

U skladu s Odlukom o normama, Komisija stručnjaka je ocjenila ispunjenost deset kriterija za akreditaciju opisnim ocjenama, kako slijedi:

- a) Politika osiguranja kvaliteta: *znatno ispunjen*
- b) Izrada i odobravanje programa: *znatno ispunjen*

- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *znatno ispunjen*
- e) Nastavno osoblje: *potpuno ispunjen*
- f) Resursi za učenje i podrška studentima: *znatno ispunjen*
- g) Upravljanje informacijama: *potpuno ispunjen*
- h) Informisanje javnosti: *potpuno ispunjen*
- i) Kontinuirano praćenje i periodična revizija programa: *znatno ispunjen*
- j) Periodično vanjsko osiguranje kvaliteta: *potpuno ispunjen*

Komisija stručnjaka je na osnovu ukupne ocjene kvaliteta dala preporuku za akreditaciju sljedećih studijskih programa:

- o Poslovna ekonomija, I ciklus
- o Računarstvo i informatika, I ciklus
- o Pravo, I ciklus
- o Anglistika, I ciklus
- o Savremene informacione tehnologije, II ciklus
- o Poslovna ekonomija, II ciklus
- o Pravo- opšti smjer, II ciklus
- o Engleski jezik i književnost, II ciklus


Visokoškolska ustanova bi trebala po prijemu Rešenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovane odgovorne osobe za pisanje, provođenje i praćenje realizacije Akcionog plana sa jasno definisanim odgovornostima
- vremenski okvir za realizaciju preporuka kao i potrebne finansijske i ljudske resurse
- definisane mjerljive indikatore za praćenje realizacije Akcionog plana

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenje o akreditaciji visokoškolske ustanove **Univerzitet Sinergija Bijeljina i gore navedenih studijskih programa**, te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH. .

Direktor

Prof. dr Ernes Blasić



Dostaviti:

- Agencija za visoko obrazovanje Republike Srpske
- Univerzitet Sinergija Bijeljina
- ⊖ Sektor 05
- a/a

www.heg.gov.ba, e-mail: info@heg.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302